

四庫全書

史部

欽定四庫全書

江南通志卷八十三

食貨志

蠲賑

漢武帝元鼎二年詔以水潦移於江南迫隆冬至懼其饑寒不活遣博士中等分循行諭告所抵無令

重困吏民有賑救飢民免其危者具舉以聞

前漢書

後漢明帝永平十八年大旱詔勿收兗豫徐州田租

蜀藁以見穀賑給貧人

後漢書

順帝陽嘉二年詔以吳郡會稽饑荒貸人種糧

後漢

書

桓帝建和元年荆揚二州饑遣四府掾分行賑給

後漢書

三國魏明帝景初元年冀兗徐豫四州民遇水遣侍

御史循行賑救之

魏志

吳大帝赤烏十三年丹陽句容及故鄣寧國鴻水泛

溢詔原逋責給貸種食

吳志

晉武帝泰始五年青徐兗三州水遣使賑卹之

晉書

惠帝元康五年兗豫徐揚等州大水詔遣御史巡

行賑貸

晉書

成帝咸和四年會稽吳興宣城丹陽大水詔復租

稅三年

晉書

咸康元年揚州諸郡饑遣使賑給

孝武寧康二年三吳義興晉陵及會稽遭水之縣

尤甚者全除一年租布其次聽除半年受賑貸者
即以賜之

晉書

太元十八年荆揚二州大水傷秋稼遣使賑卹之

晉書

南北朝宋文帝元嘉七年吳興晉陵義興大水遣使

巡行賑卹

南史宋紀

十二年六月丹陽淮南吳興義興大水以徐豫南
兗三州會稽宣城二郡米穀百萬斛賜五郡遭水

人八月原除遭水郡諸逋負

宋書

十七年徐兗青冀四州大水遣使賑卹又詔前所
給揚南徐二州百姓田糧種子兗豫青徐諸州比
年所寬租穀應督入者悉除半今年有不收處都
原之凡諸逋債優量申減并禁州郡估稅所在市

調煩刻

宋書

孝武帝孝建二年三吳饑詔所在賑貸

宋書

大明元年吳興義興大水遣使開倉賑卹

宋書

八年以東境偏旱詔出倉米付建康秣陵二縣隨

宜贍卹又原除揚南徐州七年逋租

宋書

齊高帝建元元年九月詔三吳義興三郡遭水減今

年田租

齊書

武帝永明元年詔賑賜建康秣陵二縣貧人又吳

興義興遭水縣蠲降租調

南史齊紀

五年六月霖雨過度水溢京師遣官隨宜賑賜七

月詔原丹陽屬縣積年逋租八月詔蠲吳興義興

二郡租調

齊書

六年吳興義興被水之鄉賑賜各有差

齊書

九年以吳興義興大水詔蠲二郡租

南史齊紀

十一年原除南豫州之歷陽譙臨江廬江四郡三

調衆逋宿債

齊書

明帝建武二年吳晉陵二郡失稔之鄉蠲三調有

差

齊書

陳宣帝大建十二年亢旱詔丹陽吳興晉陵建興義

興東海等十郡即年田賦祿秩各原半其丁租半

申至來歲秋登

陳書

唐德宗貞元八年以江淮所停運米委轉運使於水

灾州縣糶之以救貧乏

資治通鑑

宣宗大中九年以旱遣使巡撫淮南減上供饋運

蜀逋租發粟賑民又罷淮南宣歙浙西冬至元日

常貢以代下戶租稅

唐書

五代周世宗顯德六年淮南饑上命以米貸之或曰

民貧恐不能償上曰民猶子也安有子倒懸而父

不為解者安責其必償也

文獻通考

宋太祖建隆元年賑揚州城中飢民

宋史

三年正月賑淮南饑六月賑宿州饑

宋史

開寶八年平江南詔出米十萬石賑城中飢民

文獻

通考

太宗雍熙二年四月遣使賑江南諸州飢民九月

蜀江浙諸州民逋租

宋史

三年以昇宣等十四州前歲官所賑貸並蠲之

宋史

淳化四年詔以江淮饑遣使巡撫

宋史

五年正月遣使賑毫潁等州飢民九月遣使分行
毫潁泗壽州按視民田被水及種蒔不時者并蠲
其租

宋史

真宗咸平二年江浙春霜害稼分使發粟賑之

宋史

景德元年江南東西路饑命使賑之

宋史

大中祥符二年四月昇州火遣御史訪民疾苦蠲

被火屋稅九月賜泰州被水民粟

宋史

三年以江南旱昇潤州屢火遣使存撫

宋史

五年五月江淮兩浙旱給占城稻種教民種之八月減運河水灌淮南民田仍寬租限十二月賑泗州饑又淮南河北饑減直鬻穀以濟流民

宋史

七年十二月淮南江浙饑除其租

宋史

乾興元年正月蠲秀州水災民租二月詔蘇湖秀州民飢貸以廩粟又詔賑徐州貧民

宋史

仁宗天聖元年以淮南水災遣使安撫

宋史

四年蠲淮南被水田租

宋史

五年江寧府揚真潤州江水溢壞官民廬舍遣使

安撫賑卹

宋史

明道二年詔發運使以上供米百萬斛賑江淮飢

民

宋史

景祐元年正月淮南饑出內藏絹二十萬代民歲

輸二月權減江淮漕米二百萬石

宋史

皇祐三年遣使安撫江南飢民

宋史

英宗治平元年以上供米三萬石賑宿亳二州水災戶又濠泗廬壽高郵軍大水遣使行視疏治賑

卹蠲其賦租

宋史

神宗熙寧元年帝以內侍有自淮南來者言宿州民飢多盜繫囚衆本路不以聞詔遣太常博士陳克等視宿亳等州災傷又詔河北災傷州軍劫盜罪死者並減死刺配廣南牢城年豐如舊

附司馬

光疏

臣竊聞降勅下京東京西災傷州軍如人戶委是家貧偷盜斛斗因而盜財者與減等斷

放未知虛的若果如此深為不便臣聞周禮荒政十有二散利薄征緩刑弛力舍禁去幾率皆推寬大之恩以利於民獨於盜賊愈更嚴急所以然者蓋以饑饉之歲盜賊必多殘害良民不可不除也頃年嘗見州縣官吏有不知治體務為小仁者或遇凶年有劫盜斛斗者少加寬縱則盜賊公行更巧劫奪鄉村大擾不免廣有收捕重加刑辟或死或流然後稍定今若朝廷明降勅文豫言偷盜斛斗因而盜財者與減等斷放是勸民為盜也百姓乏食官中當輕徭薄賦開倉賑貸以救其死不當使之相劫奪也今歲府界京東京西水災極多嚴刑峻法以除盜賊猶恐春冬之交飢民嘯聚不可禁禦又况降勅以勸之臣恐國家始於寬仁而終於酷暴意在活人而殺人更多也

文獻通考

六年賑江淮兩浙饑

宋史

七年詔浙西路提舉司出米賑常潤州饑

宋史

八年詔賑常潤州飢民

宋史

熙寧中趙抃以大資政知越州兩浙旱蝗米價湧

貴餓死者十五六諸州皆榜衢路禁人增米價抃

獨榜衢路令有米者增價糶之於是諸州米商輻

湊詣越米價更賤民無餓死者

宋名臣言行錄

哲宗元祐六年以蘇湖常三州大水兼浙西諸郡

災傷詔賜米百萬斛錢二十餘萬緡賑之

文獻通考

八年遣使按視淮南水災

宋史

徽宗崇寧四年蘇湖秀三州水賜乏食者粟

宋史

高宗紹興元年三月賑淮南流民八月蠲徽州被

賊民家夏稅

宋史

七年蠲建康府太平宣州逋賦及下戶今年身丁

錢

宋史

十三年三月賑淮南飢民仍禁遏糴九月蠲淮南

逋欠坊場錢及上供帛

宋史

二十一年以兩淮民復業未久寬其租賦

宋史

二十六年詔兩淮邊民未復業者復其租

宋史

二十八年蠲平江被水民逋賦又蠲楚州歸附民

賦役

宋史

是年詔在法水旱檢放及七分以上者濟之自今

及五分處即撥義倉米賑濟

文獻通考

三十年詔滁州上供錢依濠州盱眙軍例更展免

一年又蠲淮東州軍上供銀絹米麥經總制錢一

年

續文獻通考

孝宗隆興元年賑兩淮流民又以兩浙江東大水

悉蠲其租

宋史

二年賑江東兩淮被水貧民

宋史

乾道三年兩浙水江東西路蝗賑之

宋史

六年詔江東運司將建康府太平州被水縣人戶

今年身丁錢並與放免

續文獻通考

九年楚州饑賜米五千石賑之又江東之太平廣德淮西之無為軍和州民多艱食並行停征賑卹
續文獻通考

淳熙三年以常州旱寬其逋負之半
宋史

四年蠲太平州民貸常平倉米
宋史

六年正月賑淮東飢民三月再賑
宋史

七年正月蠲淮東民貸常平錢米十一月蠲兩淮

州軍二稅一年
宋史

是年奏免池州檢放旱苗米及經總制錢

續文獻通考

八年以徽饒二州民流者衆出南庫錢三十萬緡賑糶又江浙兩淮等處水旱相繼發廩蠲租遣使按視民有流入江北者命所在賑濟之

宋史

九年詔江浙兩淮旱傷州縣貸民稻種計度不足者貸以椿積錢

宋史

光宗紹熙四年賑江淮兩浙被水貧民

宋史

五年淮右旱知滁州請發常平粟賑具民龔維蕃

賑荒錄

紹熙五年淮右大旱滁為甚時會稽石公宗昭典州事預謀荒政前期檄屬縣校公

私之儲積令存私家合用之數而以其贏藉於官度猶不給請於朝乞發常平粟并撥椿楨錢糶米麥乃以合郡上下分為九等凡有儲蓄若營運者與為二等客者皆勿給其有田而無收及有業而不能營者則錄其戶口而給之其餘工術技藝往來負戴與夫民田租戶官田佃客凡有所依而不自贍者則計口給券日糶於官鰥寡孤獨癯老廢疾者濟之人受粟二升幼者減半量地遠近與民之衆寡置給粟之所凡八十四富人之美粟其籍於官者則計其幾何勸以就糶凡糶若糶各書於厯時取而稽考之視民食之緩急而先後其出給之期選上戶信實者掌出納委學職往來督察之豐其資給校其折耗下至搬運脚乘紙札貫索皆優給其直凡貸若濟者則并給慮其往來之冗費

也凡糴者皆日給懼其冒請而濫給也檢覈欺弊
獎勸勞能郡士之被選委者手書酒炙之饋日至
其主糴上戶預給照據量免差役民以公事至庭
必宛轉諮詢諸場之執整執情動息必知之取其
尤者各一人加賞罰而示勸懲焉諭以禍福感以
信義功過畢知大小競勸民有冒憲非故犯願出
粟自贖者令各縣拘籍候糴畢照免又擇吏胥之
勤幹者發舟運銚告糴於他郡其民居僻阻饋給
勞費則募土豪借糴本令便宜貿易以贖給之期
償於來歲凡道途邸舍寄貯粟以備商旅之需糴
男女者人得收養仁聲旁洽流民輻輳郡治薦罹
假擾廳事未建乃鳩工度材僦民就役計日酬傭
視常時加厚凡木石竹葦土瓦之求鬻者雖至微
必優其價衆爭趨之由是服役於官者皆仰以贍
給而負販者因得以求售權呼力作民忘其勞閱
兩月訖事懷題雄峙冠於淮右朝廷聞公治行以

度支郎召民間命獻額曰公去吾屬填溝壑矣乃相率號呼請留壯者走告諸臺乞寢召命老推填塞衢巷晝夜守之固遣弗肯去郡僚之白事者伺其出必攀輿諦視夜則燃燭以辨如是者閱再旬通守以事中諸司次第刻聞朝旨令需代民始服故公以活民為己責夙夜調度至廢寢食居處於外士民之入見者不以時接言當於理立罷行不淹刻所收米直復糶於他有所循環無度故出給雖多而流通不匱又勸民雜蒔菽粟以為後繼其瘠老羸弱者處於僧廬為糜以食之今無失時疾病者濟以醫藥時躬造馬察其寒饑公智慮精詳局量寬和而待人一以誠實舉措不計小費而亦未嘗妄施合饑民及流徙而至者凡數萬背冬涉春無一人凍餒者明年三月後詔超見公乃行朝廷第荒政淞為最

寧宗慶元初趙汝勣知當塗時歲饑穀貴乃開倉散米萬斛一邑獲全事聞詔他郡依汝勣賑卹法

續文獻通考

六年常潤揚通泰和州江陰軍旱賑之

續文獻通考

嘉泰元年浙西江東兩淮旱賑之仍蠲其賦

續文獻通考

考

嘉定元年出米二十萬石賑江淮流民

續文獻通考

二年八月出米十萬石賑兩淮流民

續文獻通考

八年七月出米三十萬石賑糶江東飢民

續文獻通考

十年詔江東提舉司出米十萬石賑給貧民

續文獻通考

考

十六年九月詔江淮諸司賑卹被水貧民十一月

太平州大水詔賑卹之

宋史

十七年四月詔廬州賑糶飢民時知廣德軍耿秉

田發倉賑濟活飢民萬餘自劾矯制之罪上聞之

賜璽書褒異

續文獻通考

附

袁甫進區處故事

臣竊為區

流民之策惟富弼之法最為簡要所謂簡要之策惟曰散處其民於下而總提其綱於上而已竊聞金陵諸邑流民羣聚皆來自淮西荷戈持刃白晝肆掠動輒殺傷沿江出兵驅之其在句容之境者輒入金壇若宣城若池陽若當塗所在蟻聚剽劫成風逃亡之卒皆入其黨江南姦民卒多附和目前勢已若此冬杪春初日月尚長蔓延不已各將潰裂四出不可收拾臣愚欲乞朝廷行下督府及諸閫與凡安撫總漕諸司作急措置自一路而推之諸路由諸路而推之諸郡每處流民隨所在分之凡贍養之費惟分則易供居止之地惟分則易足此非臣之臆說也弼擇所部五州勸民出粟得十五萬斛益以官廩隨所在貯之又擇公私廬舍十五萬區散處其人以便薪水弼之所作可謂委曲詳盡矣今日果能推行此策非但勸民出粟而已或撥上供之數或撥樁管之錢或乞科降則

上下當相視如一家或請團結則彼此當聯絡為一體而所謂團結者又不止一途而已能勞苦者庸其力有技藝者食其業其間有為士者則散於庠序為商者則使之貿遷心有所繫而姦無所萌此皆分說也分之愈多則養之愈易而其要在督府制閭以及總漕諸司為之領袖而已是故民貴乎分而權貴乎合所謂散處其民而總提其綱者正謂此也臣願朝廷使長吏任責一如青州故事流民幸甚宗社幸甚

理宗寶慶元年滁州大水詔撥會子三千緡米千

六百石賑卹被災之家

續文獻通考

淳祐四年詔蠲高郵民耕荒田租

宋史

七年鎮江府旱詔兩浙轉運司檢覆蠲米七萬四

千石有奇

宋史

十年十二月詔江浙沿江郡縣刷其流民口數於

朝廷樁管錢米內賑濟仍許於寺觀及空閒官舍

居住

續文獻通考

寶祐六年詔常州江陰鎮江發米賑贍淮民

宋史

度宗咸淳六年嘉興華亭兩縣水免公田租五萬

一千石民田租四千六百一十石

宋史

元世祖至元十六年以江南漕運舊米賑軍民之飢

者

元史

十八年通泰二州饑發粟賑之

元史

十九年江南水民飢者衆令所在官司發廩以賑

元史

二十五年中書省臣言杭蘇湖秀四州大水請輟

上供米二十萬石賑之帝是其言

元史

二十七年八月晉陵無錫二縣霖雨害稼并免其

田租五月江陰大水免其田租

元史

十月寧國等路

大水民流移者四十五萬八千四百七十八戶凡

賑粟五十八萬二千八百八十九石

續文獻通考

二十八年正月免江淮貧民至元十二年至二十

六年所逋田租

元史

三月杭州平江等五路溧陽太

平徽州廣德州鎮江五路江南湖廣大都饑發粟

賑之

續文獻通考

二十九年湖州平江嘉興鎮江揚州寧國太平七

路大水免其田租又太平寧國平江饒常湖六路民艱食發粟賑之

元史

成宗大德元年九月以鎮江之丹陽金壇旱並以糧給之十月揚州淮安路饑賑之十一月常州路及宜興縣旱並賑之

元史

二年正月建康寧國太平廣德饒池等處水發臨江路糧以賑二月以浙西嘉興江陰江東建康溧陽池州水旱並賑卹之

續文獻通考

三年正月免江南夏稅十分之三九月揚州淮安

旱免其田租

元史

四年二月寧國太平兩路旱賑之九月建康常州

江陵饑給糧濟之

元史

五年六月平江等十四路大水以糧二十萬石隨

各處時值賑糶

續文獻通考

六年六月賑廣德太平饒發寧國等路饑七月建

康民飢賑之

元史

十年以揚州之泰興江都淮安之山陽水蠲其田

租

元史

十一月以米二萬一千餘石賑羅揚州饑

續文獻通考

十一年六月江浙饑賑糧三月七月以江浙湖廣

江西屬郡饑詔行省發粟賑之又兩淮屬郡饑於

鹽茶課鈔內折粟遣官賑之又詔富家能以私粟

貸者量授以官八月以江東郡縣饑遣官賑之江

南饑以十道廉訪使所儲贍罰鈔賑之十一月平

江等處大饑發糧五十萬一千一百石賑之

續文獻通

考

武宗至大元年正月廣德建康鎮江等六路饑戶
月給米六斗以沒入物貨隸徽政院者鬻鈔賑之
二月淮安等處饑以兩浙鹽引十萬貫買粟賑之
六月內郡江淮饑免今年常賦及夏稅十一月詔
免建康廣德田租

元史

二年正月免江淮夏稅又詔各處人民饑荒轉徙

復業者一切逋欠並行除免仍除差稅

續文獻通考

仁宗皇慶元年寧國路涇縣水賑糧二月

元史

延祐二年勅江南行臺贓罰鈔賑卹飢民

續文獻通考

四年揚州淮安等處饑發廩賑之

續文獻通考

英宗至治元年三月賑寧國路饑六月滁州霖雨傷稼蠲其租八月鹽城山陽高郵興化水并免其

租

元史

二年廬州路六安舒城縣水賑之

元史

三年三月平江路嘉定州饑發粟賑之又崇明諸州饑賑之九月淮安揚州屬縣饑賑之十一月鎮

江路丹徒縣饑發米賑糶

元史

泰定帝泰定二年四月以鎮江諸郡饑賑糧五萬餘石五月平江等十二郡饑賑糶米三十二萬五千餘石

續文獻通考

三年揚州路屬縣水免其租又建康太平池州諸路饑并賑之

元史

四年正月淮安揚州諸路饑并賑之四月建康太平常州諸路饑賑糧鈔有差六月廬州路饑賑之

元史

文宗天歷二年詔賑池州廣德寧國太平建康鎮

江常州諸路及江陰州饑民

元史

至順元年正月揚州廬州等路饑以兩淮鹽課鈔

五萬錠糧五萬石賑之二月建康廣德鎮江諸路

饑賑糧一月又寧國路饑賑之

元史

七月以江浙大

水民饑詔行省以入粟補官鈔三千錠及勸出粟

十萬石賑之是歲被災者多尤加賑卹

續文獻通考

二年三月以安慶之望江縣淮安之山陽縣去歲

皆水災免其田租四月以高郵寶應等縣去歲水

并免其租

元史

順帝元統元年江浙旱饑發義倉糧募富人入粟

賑之

元史

二年鎮江常州松江江陰等處水旱勅有司發義

倉糧賑之又池州青陽銅陵饑發粟以賑

元史五月

中書省臣言江浙大饑以戶計者五十九萬五千六十四請發米六萬七百石鈔二千八百錠及募富人出粟發常平義倉賑之并存海運糧七十八萬三百七十石以備不虞詔從之

續文獻通考

至元元年徽州饑發米賑貸之

元史

二年松江府上海縣饑發義倉糧及募富人出粟

賑之

元史

三年發義倉糧賑溧陽飢民

元史

六年正月邳州饑賑米兩月三月淮安路山陽縣饑賑之

元史

至正元年揚州路崇明通泰等州海潮災傷賑之

元史

八年平江松江水災給海運糧十萬石賑之

元史

明太祖訓凡天下承平四方有水旱等災驗國之所

積於被災去處優免稅糧若豐稔之歲雖無災傷

亦當驗國所積稍有附餘擇地瘦民貧處優免之

特不為常例

續文獻通考

凡賑濟令災傷去處有司不奏許本處者宿連名

申訴有司

續文獻通考

洪武二年十二月賑應天蘇松諸府貧民

舊通志

三年六月賑蘇松飢民

明典彙

八年免蘇松旱租

鄭曉吾學編

九年七月蘇松大水免其田租十二月賑江南饑

鄭曉吾學編

十一年五月蘇松水災蠲免歷年逋賦遣使行賑

飢民

舊通志

成祖永樂元年詔以蘇松水田量免今年租稅

明典

彙

二年定蘇松等府水淹去處給米則例每大口米一斗六歲至十四歲六升五歲以下不與每戶有大口十口以上者止與一石其不係全災內有缺食者原定借米則例一口借米一斗二口至五口二斗六口至八口三斗九口至十口以上者四斗

候秋成抵斗還官

續文獻通考

六月賑濟蘇湖

鄭曉吾學編

十一月從戶部奏請蠲蘇松糧租有差

舊通志

三年賑江東飢民

明政統宗

四年賑蘇松等府復業民戶

舊通志

七年發廩賑貸潁州缺食軍民

明政統宗

八年正月詔以揚州淮安鳳陽軍民疾苦免其被

災田租

明典彙

七月命戶部賑安慶徽州鎮江等郡

飢民

明政統宗

十年邳州水災命御史往賑之

明典彙

十一年徐州水災民乏食發廩賑之

明典彙

十二年蠲蘇松五府水災田租

舊通志

宣宗宣德元年遣官覆視蘇松諸府災傷蠲其稅

舊通志 八月巡撫周忱奏置蘇松等府濟農水次等

倉以備賑卹

續文獻通考

七年詔蠲蘇松水災田畝租稅

舊通志

八年以濟農倉米賑濟蘇松飢民

明通紀

九年江南大旱令諸郡大發濟農倉以賑貸之

明通

紀

英宗正統二年淮揚地方被災勅巡撫按視給貸

明政
統宗

九年令揚州府江潮泛漲淹死人民量給鈔收瘞

續文獻通考

十年蠲免蘇松常鎮等十四府州縣九年水災無

徵糧米共四十萬餘石

舊通志

金史四庫全書 卷八十三
十三年賑鳳陽等處飢民

明政統宗

景皇帝景泰二年廬鳳徐淮諸郡大饑發廣運倉

賑濟

明典彙

三年賑濟徐州飢民

明典彙

四年鳳陽等處大水蠲免本年稅糧

明典彙

山東河

南江北直隸徐州等處災傷令所在問刑衙門責

有力囚犯於缺糧州縣倉納米賑濟雜犯死罪六

十石流徙三年四十石徙二年半三十五石徙二

年三十石徒一年半二十五石徒一年二十石杖

罪每一十一石答罪每一十五斗

續文獻通考

英宗天順四年秋江南北大水免徵被災州縣糧

草有差

明典彙

憲宗成化元年勅南直隸撫按官賑濟飢民

明政統宗

二年江淮旱饑命副都御史往賑卹之

鄭曉學編

七年以水災免鳳陽府泗州天長盱眙宿州徐州

蕭沛碭豐諸縣夏稅

明政統宗

十三年以南直諸府州水災民飢遣使賑濟

明典彙

十八年南畿饑命戶部糶常平倉濟之

明政統宗

十九年奏准鳳陽等府被災秋田糧以十分為率

減免三分其餘七分除存畱外起運者照江南折

銀則例每石徵銀二錢五分

續文獻通考

孝宗弘治五年二月詔以水災免蘇松等府衛糧

草子粒有差十一月免應天蘇松常鎮太平寧國

七府弘治四年夏稅秋糧

舊通志

七年江南水災准以存留折銀二十萬兩兌軍米

三十萬石分賑各屬

明典彙

八年五月以水災免應天蘇松常鎮等府弘治七年糧草子粒有差又免本年夏麥十之三十一月以潞野關今年秋冬二季并明年春夏二季課稅銀留賑蘇松常鎮四府飢民

舊通志

十六年命南工部侍郎賑濟江淮

明典彙

十七年議准蘇松災傷改折起運糧米

明會典

武宗正德元年鳳陽等府大水令巡撫加意賑卹

明典彙

三年五月南兵部尚書言留都地方災傷最甚遣

官賑濟

明典彙

十二月以蘇松等府旱災令無災處

所免軍米及兩京俸糧共折五十萬石省其耗費

以補災傷地方起運之數

舊通志

四年丹陽金壇二縣大饑撥蘇常二府米穀賑之

明典彙

五年以蘇松常三府水災凡起運稅糧俱量改折

各衛所屯田子粒并視災之輕重蠲免

舊通志

七年以旱災免蘇松常鎮四府秋糧有差

舊通志

十三年淮徐等處歲饑截漕運粟數萬石并益以

倉儲賑濟

明典彙

十四年以蘇松常鎮等府水災蠲免夏稅有差

舊通志

志

十六年鳳陽巡撫奏稱淮徐連歲災傷特以淮揚

二鈔關船料銀十五萬兩并發太倉銀三萬兩賑

之

明典彙

世宗嘉靖元年南京江水泛溢遣官巡視賑卹

明通

紀

二年應天蘇松淮揚徽池等郡徐滁等州大旱特

留蘇松折兌銀兩折鹽價蘇常粳白米許墅關鈔

課應天府缺官皂薪贖鍰等金并發太倉銀二十

萬兩折漕米九十萬石賑之

明典彙

三年南畿諸郡大饑令戶部侍郎督賑江淮又發

帑金十五萬分賑淮鳳二府

明典彙

五年令鳳陽等處被災州縣稅糧照例除免應解

物料暫且停徵兩廣鹽價留四萬兩接濟應用

續文

獻通考

七年以蘇松被災蠲免全稅發太倉庫銀一百萬

兩抵補起存錢糧餘行賑濟

舊通志

八年令撫按曉諭積糧之家量其所積多寡以禮

勸借若有仗義出穀二十石銀二十兩者給與冠帶三十石三十兩者授正九品散官四十石四十兩者正八品五十石五十兩者正七品俱免雜泛差役出至五百石五百兩者除給與冠帶外有司仍於本家豎立牌坊以彰尚義又題准災傷地方軍民人等有能收養小兒者每名日給米一升埋屍一軀者給銀四分隣近州縣不得閉糴又題准各災傷地方守巡官查審流民大口給穀二三斗

小口一二斗令各速還原籍

續文獻通考

三十二年秋議准徐淮水災減免有田有戶之人應納稅糧五萬石其見在淮徐兩倉米麥專給與無田無戶之人或不敷將淮徐附近府州縣該起運兌改及各處見運到淮漕糧內照數截撥補給

續文獻通考

三十三年題准淮鳳災傷將未完改兌糧待麥熟後止徵折色

明會典

又議准漕運本色十分為率七

分徵運三分折徵每正兌米一石連蓆耗徵銀七

錢改兌米一石連蓆耗徵銀六錢

續文獻通考

蘇松等

府兵荒相繼盡蠲本年存留錢糧改折起運之半

舊通志

三十八年兩淮三十場分災傷異常令支庫貯挑

河銀兩酌量賑濟

明典彙

四十年以蘇松等府水災改折起運糧米停徵宗

人府米折京庫折草布絹等銀仍留關稅與各府

引價事例銀賑濟

舊通志

四十三年議准淮揚徐州災傷改折嘉靖四十四年應運四十三年分兌運改兌秋糧淮安所屬邳州海州鹽城山陽睢寧五州縣各准三分安東贛榆沭陽宿遷桃源清河六縣及徐州所屬蕭縣各准五分徐州并碭山沛縣豐縣及揚州府所屬興化縣各准六分

續文獻通考

四十五年淮徐饑命巡鹽御史以修河道銀賑之

明政統宗

穆宗隆慶三年八月以江南北各府災傷命查蘆
洲課銀自嘉靖二十一年至四十三年逋負者悉
蠲之九月詔南直隸太倉州崇明靖江嘉定溧陽
吳江高淳六合長洲丹徒等縣改折漕糧有差無
漕糧者停徵租一年十月免徵鳳陽淮安揚州三
府及徐州鐵麻料價銀一年十一月詔減廬鳳淮
揚四府徐滁和三州軍餉銀三萬一千餘兩并免

鳳陽府民壯銀八千餘兩又將四府三州帶徵積
逋銀錢俱行停免又詔免應天等府今年蘆課之
半又蘇州松江常州三府改折額解祿米倉糧十
年十二月又改折松江府華亭上海二縣漕糧十
之五存留蠲免亦如之又免淮安府徐州高郵州
寶應縣歲徵追捕民壯軍餉三萬四千餘兩又詔
留兩淮鹽課銀二萬兩淮揚船銀三季以賑饑民

續文獻通考

四年二月以水災免直隸廬州府屬霍山舒城六

安三州縣秋糧有差

續文獻通考

五年四月以直隸淮安府所屬州縣災傷詔停徵
積逋馬價九月以南直隸銅陵等縣水災詔許改
折起運漕糧及蠲免存留有差十月以水災命蠲
南京錦衣等衛所及直隸揚州等衛所屯糧有差
又以徐淮等處災傷許改折蠲免各項錢糧有差
仍令有司賑濟如例

續文獻通考

神宗萬曆九年江北淮鳳及江南蘇松等府災傷

著動支各該州縣庫銀倉穀賑濟

明通紀

十六年吳中大荒發太僕寺馬價及南京戶部銀

兩賑濟

舊通志

十七年因災免淮鳳各府本年起運倉麥米十之

五又南糧水免十之三

舊通志

二十二年三月以徐淮等處去歲水災遣使以兩
宮及中宮銀五萬五百兩賑濟又覽給事中楊東

明飢民圖命部臣議可蠲可賑者以聞戶部條上
以漕糧十五萬平糶江北

續文獻通考

二十九年十一月戶部覆直隸巡按何熊祥題蘇
松水災異常乞將嘉定縣永折漕糧姑准減折一
年每分正改每石折徵銀五錢以後仍照原題起
解被災十分江陰一縣被災九分以上太倉州吳
江崑山武進江陰宜興金壇七縣本年漕糧俱准
改折七分仍徵本色三分被災八分以上長洲吳

縣常熟華亭上海青浦無錫丹徒丹陽九縣俱准
改折五分仍徵本色五分其改折之數不分正改
照例每石折銀五錢連席板耗腳輕賸在內每同
本色齊徵其改折項下運軍月糧亦准扣數免編
及查靖江縣被災雖止七分以上姑念疲邑准將
該年應解南京光祿寺白糧每石折銀八錢四門
倉糙米每石折銀六錢與別縣本色一同徵解南
京戶部其正徵帶徵金花銀兩等項已經差官守

催速令追完解進及南京各衛倉米已經題准改折母容別議奉旨是

續文獻通考

三十六年蘇松常鎮四府水災詔留稅銀五萬兩

賑濟

明通紀

熹宗天啓四年七月賑卹江南水旱災民十月改

折江南漕糧

明通紀

七年蘇松常大水免本年起存額賦有差

舊通志

懷宗崇正十四年大旱詔蘇松等府漕米改兌麥

折三分 舊通志

附續文獻通考賑貸羣議

一議儲蓄自大學生財有道之外惟積穀可以備凶荒賑饑起而民不至於流移如漢大司農中丞耿壽昌奏設常平倉以給北邊省轉漕賜爵闕內侯唐開成元年戶部奏請公私田畝別約粟一升添置義倉從之又宋淳熙八年浙東提舉朱熹言乾道四年間建民艱食熹請於府得常平米六百石請本鄉土居朝奉郎劉如愚共任賑貸夏受粟於倉冬則加二計息以償自後逐年餼散或遇少歉即蠲其息之半大饑即盡蠲之凡十四年得息米造成倉廩及以原數六百石還府見管米三千一百石以為社倉不復收息每石止收耗米三升故一鄉四五十里內雖遇凶年人不缺食請以是行於司倉我朝正統六年置預

備倉民有飢窘卽時驗實賑濟如遇豐年仍依例支給官銀收糶備用嘉靖六年詔各撫按司道督責有司照見行事例設法多積穀米以備饑荒仍做古平糶法春放支以賑貧民秋成抵斗還官不取息如見在米穀數少各將貯庫銀并問過紙贖銀趁秋成委的當官糶買此時估量添二三文庶來者輻輳易於收積府以一萬石州以四五千石縣以二三千石為率明立簿籍稽查如遇荒年減價糶與貧民按以上數條實積儲良法近來有司率以簡訟為德政而紙贖之入縱不別費亦無幾何今倣朱子社倉法有司遇年豐時查各集鎮鄉村大處置一社倉勸諭本處得過鄉民輪借或三五石十石二十石不拘多少俱聽其願不許逼迫每倉以百為率不及則以官錢買補之遇春間民缺食聽本處民借用登簿秋償每石加息穀三斗放收委之鄉約保正看守責之甲長鄉夫待三四年後所積息穀過其本者仍將原勸借穀

石照數退還各主如不願領者以出穀多寡行賞或以尚義匾其門此正所謂以取於民者還以予民不費之惠莫過於此

二議停蠲蓋歲值大侵公私俱病惟停蠲則民雖厄於無所入猶幸於無所出我朝永樂十九年詔自十七年以前各處逋欠稅糧程課鹽課馬草等項及十八年被水地稅糧悉與蠲免宣德八年兩直隸河南山東山西凡被災地方自七年前逋欠夏秋糧戶口鹽糧及官軍屯糧子粒詔皆停徵其逋欠各項及今夏秋稅糧盡數蠲免嘉靖十六年被災地方應免錢糧已徵者准作本戶下年該納之數未徵者照例蠲免何者民間殷實戶間有積聚尚堪補一家食指并宗族親鄰枵腹稱貸者惟常稅不蠲其素藏遺粒悉供輸納冀免鞭敲而貧民既稱貸無實又征求不已富者不至於貧貧者不至於流亡不已也惟急議停蠲則為仁政所

當先者奈何二三有司或拘泥常限預期征之或恐完數不及碍其遷轉停蠲之旨方下而稅糧數計已完賢者則議抵補下年不肖者扣入私囊竟使朝廷恩澤徒為紙上虛文民轉展溝壑嘯聚為盜咎將誰職凡遇水旱災傷有司速行踏勘申請奏聞速議停蠲庶聖澤不辜民沾實惠矣

三議賑濟粵稽漢文元鼎二年江南水潦遣博士等官循行告災所民無令重困吏民有捄賑飢民免其厄者具以名聞宋太平興國八年以粟四萬石賑同州饑咸平三年出粟十萬石賑兩浙貧民我朝嘉靖三十四年歲祲詔發內帑銀三萬兩賑濟飢民蓋賑濟所以賑窮民無告者若稍得過之家雖遇大祲無收猶能稱貸富室或百計求活不至流亡惟無告窮民生借無路坐以待斃賑之期宜急賑之法宜均必須藉仁明掌印官親自臨地清查臨倉調停給散不使有遺吏胥不致漁獵定

期赴領隨給不得擔延等候萬一荒村遠域用舟車載至其地散之庶枵腹之民不致斃之倉下仆溺之中途矣不然雖空竭倉廩而嗷嗷者卒未免為溝中之瘠也惡在其為民父母乎

四議撫恤宋天聖七年閏二月詔河北轉運司契丹流民其令分送唐鄆襄汝州以間田處之仍令所過人給米二升初河北轉運司言契丹大饑民流過界河上謂輔臣曰雖境外之民皆朕之赤子可賑救之國朝洪武七年詔各處人民流移願歸或身死拋下老幼還者聽從其便鰥寡篤疾之人貧難存活者有司勸實官給衣糧養贍宣德五年各處百姓因饑逃移者行布按州郡招諭復業仍善加撫恤免其戶下稅糧離差蓋民以水旱災傷生活無計差稅無辦倘遇賢有司多方調濟設法撫綏緩其賦役寬其通負貸其種子靖其寇盜草其室廬尚堪存活不至流竄萬一他邑流移至我

強界須念呻吟愁怨上千天和驅逼嘯聚類致揭
木要必據握觀望禁諭有術號呼逃竄招撫有方
僞寓寄食館穀有備什億駭膽莖有道擲妻捐
子錄育有宜不願復業許令附籍思返故鄉資給
路費此仁人君子忠厚存心亦弭盜睦隣之大義
也

五議平糶古稱商賈之事可通於官府蓋握權奇
時通塞銖較而寸權之亦救荒權宜之一策也大
都年凶穀貴小民病之若發官廩減價出糶而四
方巨僮販運殺未一時轉集其價自平矣我朝周
忱巡撫直隸初至蘇松屬大饑穀貴忱廣得江浙
湖廣大給令人索金至其地故抑其直勿糶且始
言吳中米價高甚用是三省大賈販米數百艘集
吳中忱乃下令盡發官廩貸民丰收其值城中米
價驟減各賈進退兩難只得賤糶忱復推牛醢酒
謝之各賈悉大歡而去米價既平乃復官糶以實

廩益昔耿壽昌之法穀賤增價而糴穀貴減價而糴忱益祖其法而善用之者但減不可太減增不可過增使不越原值庶官廩不竭而惠可繼矣然所以佐平糴者又在無過糴俾商販諒我之公凡道經我境者俱運米而來又在無抑價俾商販聞風價値倍常自將輻輳而至慎斯術也復何患米價不漸平而嗷嗷者不甦之生哉

六議發倉夫近來令甲有司殿最在積穀多寡要知所積之穀雖民所輸而非民之藏雖君所儲而非君之利蓋專為備荒計耳若歲荒穀價騰湧民嗷嗷待哺命在旦夕司民牧者更不必拘泥待報之常期即宜發粟救濟年終彙報以朝廷所蓄活朝廷赤子誰曰不可宋李允元通判寧州會歲饑發倉粟數萬賑之民得不流徙國朝夏原吉奉命往撫三吳饑民奏發倉粟三十餘萬石民賴以濟夏寅以吳中饑投書撫臺發廩二十萬斛糴十萬

石三吳賴以全活以上三公皆不拘待報之常而發倉行賑可為後世法倘慮其散之易歛之難必待報聞而後發則枵腹之民不為溝中瘠者鮮矣七議倡義蓋富民國之術也民之依也所謂藏富於民者藏之此矣記曰富則仁義附焉夫好義之心人孰無之要在上之人陽激而陰率之則個儻之士將浮慕焉而雖畷夫亦捐千金如敝蓀矣宋程珦知沛縣會久雨平原出水穀既不登晚種不入珦計可耕而種時已過矣乃募富室得豆數千石以貸民使布之水未盡涸而甲己露矣是年遂不艱食陳堯佐知壽州歲大饑公自出米為糜以食餓者吏民遂爭出米活數萬人公曰以令率人不若身先而使其從之樂也趙閱道知趙州歲大歉公集富民誘以賑濟之義自解腰間金帶置庭下於是施者雲集全活十數萬人我朝何喬新奉命賑晉中請發內帑并淮鹽銀數萬兩勸貸富室

得粟數十萬石活三萬人招回復業者十四萬人附籍者六萬餘戶凡此皆以百姓之財救百姓之死倡導鼓舞之機惟豪傑默運之已耳

八議煮粥蓋凶年人民流徙飢餓疾病扶老挈幼驅之不前緩之則斃資之錢幣則價湧而難糴散之菽粟則廉歎人衆而難徧惟煮粥庶可救燃眉宋程頤謂救飢者使之免死而已非欲其豐肥也當擇寬廣之處宿戒使辰入至已則闔門不納午而後與之食申而出之日得一食則可不死矣其力自能營一食者皆不來矣比之不擇而與者當活數倍之多也凡濟飢當分兩處擇羸弱者作稀粥早晚兩給勿使至飽俟氣稍完然後一給第一先營寬廣居處切不可令相枕藉作粥須官自嘗恐生及入石灰也我朝萬歷十四年河南彰德府飢巡撫袁公議發賑餘米數千石及該府庫置銀若干於豐穰處糴米隨在委官煮粥日一餐人給三

疏明年復行開封等州縣如彰德所全活不可勝計大都煮粥雖救荒下策然舉行固自有法蓋處之宜廣不宜隘舉之宜同不宜異令行宜嚴不宜寬食之口宜散不宜聚授之餐宜遍不宜頻是在賢守令善行之而已

九議給粟蓋凶年行賑給之錢類費而鮮實儲之粥或聚而難散惟出公廩之餘藉富室之蓄計口給粟人不過升合家不過斗釜庶幾乎拯溺救焚之一策也昔趙抃知越州令吏錄老稚不能自食者二萬一千九百餘人故事歲廩窮人止三千石抃勸富人及僧道食羨者得粟四萬八千餘石自十月朔起人日受一升幼小者半之市郊各置給粟所共五十七處受粟者男女異地各以便受之且戒富人勿閉糴又出官粟五萬餘石其價糴之為糴粟所十有八處以便糴者又傭民修城為工者三萬八千計工倍與粟棄男女者得收養之全

活甚衆蘇次恭為澧州開賑患劄記不公給印歷一本用紙半幅上自書家大人若干小兒若干合請未若干榜於門如虛首出甘罪又請未分幾人為隊用旗引卯時一刻給第一隊二三刻及辰已如之即老幼婦女病弱悉得均糶萬歷十五年中州饑時袁巡撫貞吉至其地見河北諸郡及他省流寓者甚衆因命所司查勘每大口給粟二斗小口五升活二萬餘人願回籍者計程人給粟日二升又移檄本郡邑計口賑之有地者量給種一時復業者三千餘口以上三公皆得給粟良法舉而行之存乎其人而已

十議權宜蓋飢民嗷嗷待餉命在旦夕救荒如救焚非大豪傑權宜從事曷克有濟哉昔汲黯奉命按河內適見貧人傷水旱萬餘家至有父子相食者因以便宜矯詔開賑歸請加罪武帝賢而釋之范仲淹守杭值歲大祲縱民競渡日出宴湖上自

春至夏富民空巷出游又詔僧修寺及新倉廩吏
舍日役千夫監司劾其不恤荒嬉游公乃條叙所
以皆欲發有餘之財以惠無者是歲兩浙惟杭無
流民范堯夫知慶州飢殍滿路官廩盡空公議發
常平封樁粟麥濟之州邑欲俟奏請後發公曰人
七日不食死可待報乎吾寧獨坐罪不累若等遂
發粟國朝韓文綰南樞歲凶餓殍相枕藉公移咨
戶部預支官軍三月俸糧度支以未得命為辭公
曰救荒如救焚民命在旦夕安能忍死以待也即
罪吾獨當之遂發米六千石以上四公皆能便宜
從事苟地方之責者訪其
意而行之則蒼生幸甚

江南通志卷八十三

欽定四庫全書

史部

江南通志卷八十四

詳校官給事中臣丁雲錦

檢討臣德生覆勘

總校官編修臣王燕緒

校對官助教臣羅萬選

謄錄監生臣李珩

欽定四庫全書

江南通志卷八十四

食貨志

蠲賑

二

國朝

世祖章皇帝平定江南順治二年奉

旨蠲免本年稅糧十分之七兵餉十分之四其明末無藝
之徵盡永除之

三年蘇松巡按趙弘文題請奉

旨本內稱長洲等縣額糧太重應否酌減江南官戶免役
太濫困累小民作何限制俱著詳察舊制確議具奏

四年南中大祲設粥賑之

八年蘇松等府大水改折秋糧十分之六寧國等
府旱災改折秋糧三分之一又賑濟蘇州等處
飢民

九年江南大旱

勅督撫按視災傷江蘇等處改折漕糧免派耗米安慶諸

屬蠲免正賦改折漕糧並除耗米

安慶操撫李日茂請於鄰省市米平糶每

石減價之半

十一年靖江海嘯漂毀民舍

蠲免本年秋糧三分之一

十二年廣德等處旱災免錢糧十分之一

十三年

詔蠲地畝人丁本折錢糧拖欠在民者

十六年江南大水奉

旨蠲免十五年以前未完錢糧

聖祖仁皇帝康熙元年鳳陽泗州等處被災照分數免銀

有差

二年鳳陽等處災傷分數不等蠲銀有差

三年松江上海等處颶潮秋發奏報災傷蠲銀有

差

四年欽奉

恩赦直隸各省順治十六七八年舊欠錢糧著照蠲免十五年以前一體除免

本年蘇松等府水災蠲銀米停徵有差

七年淮安山陽泗州天長等州縣水災免本年額賦十分之一

八年欽奉

恩詔內開康熙元二三年直隸各省丁地正項錢糧實係拖欠在民不能完納者該督撫奏請蠲免

九年蘇松淮揚等處大水被災田地漕白米攤徵
仍蠲起運改折十分之三

十年欽奉

恩詔內開康熙四五年各省丁地正項錢糧實係拖欠
在民不能完納者該督撫奏請蠲免

是年江南大旱蠲被災田地起運正賦十分之一
二三不等漕糧改折外耗贈米俱奉

蠲免

十一年五月旱蝗欽奉

恩旨念江南水旱頻仍停徵九年分攤米折銀並停徵九

年以前未完錢糧

附

靳輔請分年帶徵疏

為鳳廬二屬連歲罹災民

皇仁事

不堪命特請分年帶徵少紓困苦以廣

被災之慘又無如鳳廬二府為尤甚也向經前撫

臣張朝珍節據各屬申詳當將情形繪疏入告在

案嗣緣臣銜

命赴任道經鳳屬目擊慘傷又經臣特請賑恤復荷

浩蕩皇仁准動正賦銀四萬兩分撥賑濟臣去冬奉

音踏勘臨靈二縣報荒親見災黎鳩形鵠面扶攜載道擁

臣哀訴連年旱澇情狀臣隨加撫慰并飭令地方各官設法捐輸各就本地建厰施賑而流離望風

歸來自冬徂春災民藉此活命始得盡力農田今節據鳳廬二府各州縣詳稱奇災之後小民謀生

無計其本年

國賦萬難一例輸將紛紛申詳分年帶徵暫寬民力

上諭諭

前來臣伏讀

戶部江南省連年水旱相仍災傷甚重與別省不同若將舊欠錢糧一併追徵民生愈致困苦朕心不忍其該省以前未完錢糧察實係拖欠在民者著暫行停徵俟民力稍蘇之時再行具奏請

旨部

即遵諭行特諭欽此仰見

皇上如

天之仁從前積欠既蒙軫恤停徵容臣查明另題外今鳳廬二屬極災極困其本年額徵賦稅徒

令敲吸實難完納臣極知事關錢糧度支維艱豈敢輕議但稔知民艱又安敢隱默不為

上請仰祈

皇上睿鑒勅部俯將二屬上年被災各州縣衛所內除稍

堪輸納之州縣不敢一稊請緩外其餘如鳳屬壽
泗鳳臨懷五定虹霍天靈十一州縣廬屬六合舒
廬四州縣并鳳陽府左右中前後懷長壽泗洪廬
六十三衛所本年賦稅今歲酌徵五分儘共支給
本地兵餉以及河漕驛站等項倘支解不敷仍於
別府州屬撥足補苴其餘五分酌於康熙二十
三兩年帶徵一通融間在
國課并無虧缺而災民實有攸賴矣
麻勒吉報明江

寧流移飢民疏

為報明江寧省城流移饑民甚眾
仰體

洪仁勸輸賑粥以恤災黎事竊惟江南地方災荒荷蒙
皇上屢次蠲賑饑黎得以保全淮揚各屬見蒙

俞允捐輸事例其捐到銀兩陸續發賑鳳陽各屬先蒙
皇恩大賑安慶府屬先經題准倉穀發賑廬州府屬查

有存貯捐納米石撫臣勒輔見會疏題請惟江
寧省城兩年災傷雖未合蠲免之例而收穫實寡

人稠米貴多不聊生既無存貯款項又不敢以淮揚捐輸之銀分濟于不成災地方臣目擊饑民情形隨與司道府官酌議設廠賑粥勉力捐輸并勸紳士商民共襄善事分設三廠自十二月初旬煮粥開賑凡捐到銀米登記印簿臣與司道府官不時到廠驗視每廠饑民日有三萬人每日用米二三百石不等約至四月中旬始可停止凡尚義捐助者臣多方獎勉自可源源接賑至如府屬六合等縣滁屬來安鎮屬丹陽寧屬宣城太平見在設廠賑粥池州廣德俱報煮粥給賑臣均行獎勉發示勸諭捐輸至鳳屬鳳臨天定四縣被災尤甚雖當大賑之後臣仍與府道官多方捐措煮粥期使災黎咸獲存濟伏念

皇上軫恤民瘼

睿懷殷切為臣子者推廣洪仁隨宜設賑自是職分當然本不敢煩瀆

宸聰但官紳士民尚義樂施其捐助數少者臣自酌行獎勵倘有捐輸及額者若不獲邀

恩典則無以示鼓勵容臣賑畢之日查明題叙合先題明伏乞

皇上睿鑒施行
王弘祚江南賑饑記
粵稽三代而有荒歲

鮮予遺之嗟其時主聖臣良視民猶子補救備至故天不能為之災繼至周禮荒政十二補救極其詳盡然行之後世者惟散利薄征最切夫散利即今之賑薄征即今之蠲二者皆善政也若通行於官民間以推廣德義莫亟於賑之一法也我倍厘宵旰庚戌歲淮揚大稔流莩載道時督撫諸公繪圖以奏

皇上惻然軫念
詔發帑金康輿遣大臣會賑辛亥大旱復遣大臣截漕開

賑嗣鳳屬旱蝗特甚又加賑焉匪惟蠲租緩征而已且

聖主賢臣所以克全北

災黎者亦既周且渥矣獨是江寧

省會之地五方錯處米價湧貴加以遠近饑民趨省丐食絡繹不絕遂至價益倍增會城貧窶皆成載道饑夫時事之可憂寧僅人滿已耶幸際麻公駐鎮兩江其善政及人更僕莫數大要以

朝廷愛民之心為心邁茲帑餼慘目請蠲既格乞賑嫌

數漬毅然倡議賑粥有以費大難繼之說進者矣公弗顧怒如調飢之在躬而不能一刻緩也採輿論稱善士者敦禮之授以方畧俾董賑事一切薪米之資先為措給懸示勸諭仁言諄懇維一時諸公憂患同心分猷襄事或罄捐積俸或易質裘馬或多方勸諭竭蹶急公勇義若渴爰訂十二月朔設一粥廠於城南之報恩寺設一粥廠於城內之

神廟始就食者各以數千計日漸至二三萬因亟
移城內一廩於城東之觀音閣增一廩於城北之
靜海寺三廩日計口數萬人日需米數百石登計
簿籍章章可觀第江南遇年水旱頻仍人多匱乏
家鮮蓋藏自贍不給責捐輸於窮盡之日蓋難言
矣乃令紳士商民無論見義者樂輸恐後馴至越
界越疆聞風而效壺漿之惠且競推而為泛舟之
役也昔韓魏公為廣惠倉應受米者三日一給人
一升幼者半之陳文惠公知壽州遭歲大饑公自
為粥以食餓者吏民以公故皆爭出粟以活數萬
人富鄭公移青州河朔大水民流江東勸民出粟
得十五萬斛並以官廩凡活五十萬人此皆善行
其賑者也麻公匹休古人受廩盈器因人為善時
於臨政之暇減從輕騎偕司府營協周視三廩稽
執事之勤情視治粥之精粗覩人之授受事並
飭而民並親慈悲佛號所由作也藉微實有人饑

己饑之至情幾何不秦越視之虛文應之汎汎焉
付之胥吏之手以滋弊哉余過從觀賑糜汁濃膩
散給應時男女別於途出入循其序董賑者奉命
而各殫其勞就食者飽德而各遵其令聚數萬饑
民於一所卒無擁擠顛蹶之虞聚數十萬饑民於
一城并無穿窬盜賊之患儼若有韓富紀律部署
其間化鳩鵲而成含哺鼓腹之氓荒政可弭盜賊
不已陰寓於賑饑之內耶所謂有荒歲無荒民於
今親見之依稀三代而上之風也事竣諸善士以
公施賑四月有奇日全活數百萬生靈功德稀有
而慕義向風者亦為近今罕見不可以無紀乃請
余記以垂不朽余旅人也蒙

思予

告金陵調攝風疾敬謝不文而躬逢其會幸觀厥
成誼不獲辭勉為之記得以覽焉而有感也若夫
亟公助賑協力經營則織造曹公藩司徐公慕公
臬司陳公糧道王公驛道王公學道簡公郡守張

公城守張公郡佐魏公馮公楊公何公胡公暨上
江二令也捐輸為士民首倡則鄉紳佟鄧胡蔡徐
葉黃張諸公分版董賑不憚勞悴者報恩則沈黃
劉龐諸朱安楊觀音閣則黃龔錢高靜海則卞姜
萬羅也例得備書

是年江寧各屬秋災蠲銀有差安徽各屬發粟按
籍分賑

十二年揚州各屬大水凡全淹田地正賦漕糧漕
項槩行

蠲免

又奉

旨水淹田地但有涸者效墾荒例三年後起徵以後凡涸出田地亦准三年起徵

四月十二日

諭戶部江南蘇松常鎮淮揚六府連年災荒民生困苦與別處不同朕心時切軫念除今年錢糧已經派撥兵餉外其六府康熙十三年地丁正項錢糧特行蠲免一半以昭朕存恤災黎至意爾部即將應蠲免數目察明確

議具奏特諭

十三年鳳陽泗州揚州高郵泰州寶應滁州等處
被災

蠲免地丁銀兩漕米鳳米月糧米等有差興化等縣積
水淹田正賦漕糧俱免

十四年鳳陽泗州揚州高郵泰州寶應等處被災
蠲銀有差興化縣正賦漕糧俱免

十五年揚州高郵等處水災

蠲免銀兩有差興化全免

十六年

蠲免同前

十七年江南各屬水災蠲停地丁漕項銀兩有差

滁州全椒等處旱蝗奉

旨蠲免正賦十分之三 又蘇常等處俱動支正項錢糧

買米賑濟

十八年正月發帑令江蘇撫臣等親行督賑

是年三月至八月不雨奉

旨江南財賦繁多舊欠無徵錢糧如再行徵比恐累小民
其十年十一年十二年錢糧俱著蠲免其十三十四十
五十六年錢糧俱自十九年起分年帶徵以舒民力著
該撫通行曉諭務令均沾實惠以副朕愛養斯民至意
該部知道

又奉

旨九分十分荒者免本年稅銀十分之四七分荒者免十

分之三五六分荒者免十分之二

高郵等處水災蠲停正賦銀兩

又奉

旨各屬災田漕米緩至來年帶徵于緩徵米內半徵漕米
半徵漕麥不拘米色紅白粳秈並納

又奉

旨鳳陽地方水旱准動鳳倉米二萬石并積穀二千石賑
濟又借正帑銀三萬兩接賑

又鳳廬滁三屬照被災分數蠲銀有差漕糧改折
外耗贈米俱奉

蠲免

附

徐國相題請改折疏

去秋亢旱臣屬地方在罹災而罹災特重者又以

皇上洪

慈允蠲正賦復准借動倉糧正項命臣多方賑恤

災黎始得苟延殘喘盡力農田然災傷之後十室
九空必得今歲秋成豐稔庶幾積困稍甦乃自季
夏以來又復兩月不雨阡畝如焚兼之蝗蝻肆害
野無遺草民不堪命其鳳廬安滁和等府州縣衛
被災慘苦情形業經臣繪疏入告見在勘取分數
冊結另題請蠲外今據安徽布政司布政使龔佳
甯會同江安督糧道副使章欽文詳請改折緣由
到臣據此該臣看得漕糧額供

天庾以充官俸軍糈雖遇災不准蠲免而改折向有定例蓋捐穀出於田畝必頒西成豐稔始得有米完漕也臣屬地方素稱荒瘠不意上年罹災之後今歲鳳廬安潞和等處亢暘不雨禾苗盡枯兼以蝗蝻雲集西成絕望據各州縣衛申報災傷情形業已具疏入告而各屬士民又以糧米產於田畝今遍地罹災糶米採買無出紛紛赴臣衙門匍匐呼號不一而足并據府州縣官申詳民間日食不週漕米委係無從辦納情詞甚為迫切臣經批行藩司會同糧道確查今據該司道會同酌議請循照康熙十年之例將漕糧正米改折徵銀蠲豁耗贈并鳳倉存留米石以麥粟代解通融支給前來臣查上年被災鳳廬安三屬漕糧經臣題請改折部覆以江浙二省已折五十四萬餘石恐京城不敷支用未經准行臣念天庾重務不敢再為瀆請隨一面嚴督道府有司設

法催辦曉諭民間措銀赴外郡採買交兌并經
題明寬限兩箇月始得陸續買兌完竣其間措處
之苦搬運之艱小民已力竭髓枯然一年偶遇之
災尚可勉力拮据今歲災後逢災不特本處田禾
枯槁無收鄰郡亦同被旱荒米價日昂商賈不至
採買無從其慘苦情形比之上年更甚見今災民
嗷嗷餬口莫措若將漕糧仍徵本色即使日事敲
追此輩計窮力竭徒然迫之逃亡終於

國儲無並遡查漕糧遇災改折歷有成例於康熙九
年蘇松嘉湖水災前任江寧撫臣馬祐浙江撫臣

范承謨

題准改折漕糧而臣屬康熙十年鳳廬安三府早荒

亦經前撫臣靳輔題准漕糧改折徵銀倉糧以
麥粟代解况今歲鳳廬安滁和各府州當上年災
校之後較比康熙九年之蘇松嘉湖十年之鳳廬
安初被一年荒災者其慘苦實相倍蓰若慮改折

聖慈俯鑒

京倉不敷查上年河臣靳輔題留漕糧二十萬石以濟河工夫食仍於十八年改折米內照數補徵本色是今年兌運之米較上年額數又增二十萬石矣既增二十萬而止減七萬似無不敷之處即此請折之七萬餘石來年秋成豐稔亦可于十年改折數內補徵逐年通融原不虧起運京倉之額臣身任地方目擊民艱不得不仰懇鑒安鳳廬等屬連歲罹災民不堪命本色漕米實實無出將鳳屬壽宿潁亳懷定五虹蒙霍盱天靈潁上太和十五州縣廬屬六合舒廬巢英霍七州縣安屬懷桐潛太宿望六縣康熙十九年起運十八年分漕糧准照康熙十年之例正米盡數改折其給軍耗贈濕潤等米并贈銀藥予豁免內有英山一縣漕米向係全書額編銀兩買兌竟將原銀起解隨漕行月一併改折至鳳屬之泗鳳臨三州縣并滁全來和含五州縣原無漕米所有額解倉

糧漕項并有漕各州縣倉糧俱請以麥粟代解則一轉移間不惟正供并無虧損而災黎得免遠方購買盤剝之費且小民少辦此數萬之漕糈在米價不致湧貴即可寬餘力以購買日食其於地方民生利賴非淺矣再照折漕價值見今部定粳米每石九錢粟米每石七錢據司道會議咸稱因災改折原以恤民議價必須少抑庶有並於民詳請酌損但值需餉之際臣不敢議減應仍照見今折漕之價折徵者也

十九年淮揚蘇松常鎮等處大水奉

旨蠲免被災田畝錢糧十分之三緩徵本年被災田漕米

于二十年分帶徵

附

慕天顏請賑疏

為恭請酌賑極災饑民以

廣

洪仁事據江蘇布政司布政使丁思孔呈詳前事等情

到臣據此該臣看得救災設賑原屬不得已之請

皇上視民如傷惟恐一夫不獲凡有上

聞必蒙

俞允全活之衆既頌

仁恩浩蕩而臣等撫此殘黎謂既賑之後可幸享有豐

年上慰

九重宵旰下慶四野含哺乃不意江南連年水旱民愈

窮而災愈甚是皆臣等撫綏無術莫能召感休祥

以致小民困厄所以每一請蠲每一請賑惟有踴

躍悚惶竊慮

天恩之難再臣罪之益深耳如今年春賑饑動帑數十萬

雖現在開例收補而尚未捐足夏秋水淹地方又多饑黎絕食倘可設法全濟曷敢上厯

宸衷

惟是臣細加察訪現在被災各屬人民實有嚴冬無完衣蔽體者亦有累日而炊烟常斷者又有虛壞而乞食飄零者疫殍而父子待斃者蓋因旱荒之後繼以洪水積苦至今謀生無路官役催呼在門老幼哀號在室江南江北處處有之臣於此時又能食下咽臥貼席乎念

國

用之殷繁不第不能生節更且屢祈蠲賑臣心何忍故自入冬以來臣查極災極苦之處多方捐措稍稍賑恤使之苟延不致凍餓絕命若至來春麥熟尚遙饑饉愈迫不得不再籲

恩沛

澤但就大江以南而論蘇常鎮等屬向係繁華之區今城市外貌尚自可觀而窮鄉村僻之民饑寒交切實堪悲閔前憲臣勘報之災皆係水沉顆粒無收田地餘即一望有稻者迨刈獲多成空耗此等情形臣已備陳於前疏但江南人民衆多一邑之男婦幾有數十萬食口既繁收米實少辦漕且

萬分艱難安能計及溫飽然問民之疾苦而周恤之臣職分當然臣與司道有司日夕商確聞水鄉貧農拾取魚蝦尚可博換升合以自存又開春興濟白茆孟河亦可招徠赴工以食力其真正無告之憫獨孤寡則臣等竭力鼓勸以期全活不敢舉請

國帑矣惟大江以北地方十餘年昏墊方起之瘡痍復遭今歲沉淹未有若高郵一州城鄉俱沒之最慘及興鹽二邑邵伯一鄉之盡災者此憲臣親勘時以重災入告今高郵舉足皆災地滿目皆饑民必須廣行施賑庶得生全而興化鹽城全淹待賑更切又寶應泰州江都三屬雖不比高興鹽之全災而窮感亦甚皆為憲臣所目擊臣時時體訪確情行據藩司具詳前來查高郵興化鹽城寶應泰州五州縣及江都之邵伯鄉饑民遍地旦夕莫保臣當分委廉能官員於康熙二十年正月初十日

開賑起至麥熟止或按口大小分別散給銀米或設廠附近煮粥令其赴食務期因時制宜隨地就便不令失所但此賑項名口數目尚難定而措捐萬無應濟伏望

皇上准

臣先動正項核實賑畢報銷統候捐輸例銀還項活此數十萬命皆為

朝廷耕鑿之赤子所全實多況江北人民不比江南之多請賑此六邑饑民約計其數不過如江南二大

縣之衆動帑亦屬有限諒蒙

恩允臣刻刻以節用為心自不敢虛冒分毫也臣謹會同督臣阿席熙河漕臣勒輔合詞具

題伏乞

睿鑒勅部議

覆施行

二十年揚州等處水災蠲停正賦銀兩 附 慕天顏

設廠賑饑疏 為饑民望賑甚迫亟請

洪恩開濟事竊念臣屬地方今歲夏秋赤旱遍地未苗
枯萎兼以蝗蝻踵至在在失收真屬從來未有之
奇荒報災共有四十州縣其餘雖有未報災傷及
勘不成災者僅十餘處而亦皆薄收俱非豐稔臣
業將被災情形及委官勘實災田分數先後會疏
入告荷蒙

皇上特遣部員來南察勘民情既已
上達災黎可望更生見候部議將錢糧分別蠲折指日

均沾

浩蕩惟是目今災地窮民饑苦已極望賑迫切實有刻
難緩待者農夫終歲勤動惟冀秋成得以資食乃
今秋困於胼胝疲勞萬狀當初旱之時無不仰望
雨澤之繼至男婦老稚悉力枯槁尤賴麥熟所收
以餬其口迨早既太甚溝港斷塞農本已罄枵腹

皇

上俯

賑粥旋蒙

允督臣會

請動帑買

米給散普

救災黎又

得河臣

之留漕鹽

臣之勸商狼鎮臣之分力協捐民遂得
以有生不至流離今則災後重災委實田中顆粒

徒嗟而業主又復稍給饘粥再為挖渠引流多方
車救孰意滴雨不施泉源亦竭力田之農民固已
束手背立而有田之業戶亦皆室懸壘空矣共顧
焦禾惟相飲泣是以交冬以來乏食者更苦寒威
將樹皮石屑充腸豈能久活臣聞見所及處處同
然早夜圖維亟思賑救臣先酌議告報於江楚滿
望買米一到即為貧民療饑不謂楚地亦遇災傷
無從購買接閱楚撫臣咨覆臣幾荒迷痛哭莫知
適從差往江西採辦官員亦據回稱價貴難得尚
未運到見今本地米值日昂且無多買之處如上
年江南被旱今春游饑四方尚有客販而至臣於
彼時鼓勵官紳士庶共相捐濟屆正月初旬設廠

無獲外來商賈杳然故至窮簷絕粒最早茲
欽差部員歷勘以下江之民比上江之民稍可存活不

在即賑之內但臣屬江蘇等府州縣與上江鳳廬
地方迥不相侔蓋鳳廬地廣人稀即稔熟之年原
覺村墟蕭索一遇災而荒涼更甚若江蘇常鎮等
屬寸地片壤皆係賦重之產村落相聯人民稠密
雖貧家室空如洗而外觀仍似蕃庶臣從今春親
賑之後曾遍歷郊野目擊疾苦情形今日如此真
饑不即拯救竊恐老弱空填溝壑壯健疾貧思逞
不惟棄土逃亡也臣受撫綏重任敢不鯁鯁過慮
乎惟我

皇上飢

溺斯民特允督臣會題展開事例廣行分賑正

遺黎再生之日然而賑濟之法宜籌至當若欲每
人給米來春饑民愈多領者如蟻拒之不能一經
挨戶稽查反滋冒濫而外方乞食之人不與焉况
人支斗粟不數日而食盡仍復饑傷更難為繼且

皇上勅

領米於城或分給於市鎮遠近不等匍匐為艱莫若就災地近區多設粥廠在道路通均之處煮粥散食使饑民遠不過十里便其扶老攜幼則稍可自全者決不蒙恥食粥而涸溢之弊一清所賑之民甚溥至公至廣而又節省者也再查臣屬幅輳遼闊如淮徐去臣所駐蘇城最遠河漕臣靳輔以勘工時常往來熟悉其人民困苦真情臣現在咨商河臣就近區畫分任賑濟仍請

下該督速行酌議勘賑外如江寧一屬應聽督臣查賑揚州一屬仍藉鹽臣分濟惟蘇常鎮所屬長洲吳縣常熟武進無錫江陰宜興丹徒丹陽金壇臣已先為勸捐米石發往各邑飭令在城鄉各設廠五六處公舉好義紳士誠實者民董理其事於臘月十五日為始煮粥開賑而江屬之六合句容二邑揚屬之江都為該屬諸邑中被災尤甚者臣亦先買米酌發咨會督鹽二臣矣以上應賑各屬

煮粥所需柴米雖臣與司府等官極力設法但有司無力可捐紳民值災難助現措之米不過供賑數日將來饑民衆多務須源源接濟賑至麥熟始行停止仰懇

皇上准將見展捐輸事例銀兩動支買米報銷則江南數百萬饑黎得慶復生不致輕去其鄉委填溝壑而來歲田畝耕耨有人仍復可收樂利矣除買米設廠賑過災民數目容俟造冊送部查核外臣謹會同總督臣阿席熙合詞樓晰披陳仰請

皇上睿鑒

勅部速賜議覆施行

詞樓晰披陳仰請

蘇松常等府地方坍塌版荒田地賠糧累民奉

旨將版荒田地一應本折錢糧盡行豁免于康熙七年為

始

先是巡撫韓世琦

勅書內開拋荒地不許人戶包賠於是蘇松九州縣開

報奉

旨未行蠲免

附募天顏請豁蘇松版荒疏為坍荒賠累

無追亟請

皇上躬行修省
殊恩豁免災民因以台天和事臣惟地震之變

勅將應行應革事宜條奏臣思最重者首在恤民而恤

民之最苦最急者莫若豁免江南坍荒地錢糧
一事臣查蘇松常坍荒地向來屢經勘駁實有
三千餘頃合算其本折錢糧亦不滿十萬而因此
遺累反致欠多民情之隱苦實實不可勝言蓋坍
者久成白水無土可問荒者硤瘠不毛無法可耕
公占則係地入公家民已失業此種情形前撫臣
及臣任藩司時入覲條奏歷歷繪陳久蒙
皇上洞鑒止因兵興以來軍務倥傯前撫臣無暇親勘故
議暫停俟事平之日議覆因循至今臣撫任三載

宸嚴

正值軍需告急方在生節之時何敢再瀆

是以日切焦思而對此包賠之窮民報顏無以自解臣故於自陳不職疏內首列此端為臣罪也然

皇上愛

民惟恐一夫不獲恭逢下詔求言之日臣再不言

臣罪益深矣又念此坍荒錢糧如果可徵賠臣又何敢即言奈何有糧無田有戶無人歷年地丁條折原無完納委係紙上虛數不豁亦無完豁之可免累耳惟漕糧一項徒累里甲里甲因此包賠逃亡株連不知凡幾官役因此漕欠那移墊買每致難清完猶不完也三吳賦重額繁保無頑梗拖欠然每歲考成計民間零星尾欠積累而有數萬或災患不時民力困竭逋逃者又數萬總以四百餘萬之額徵而論亦不可謂之頑矣此有田有戶之欠數仍可於年限續完惟坍荒所欠萬萬無從責賠臣前於備陳舊欠無徵等事一疏題蒙

特恩蠲停者即此坍荒在內也今查前勘坍荒數內如長
州縣田地新經丈清陞補無缺不議外其太倉常
熟崑山嘉定華亭婁縣上海青浦宜興九州縣確
有坍荒未豁臣請

皇上大沛恩綸特准開豁容臣再加覆勘細數造冊報部
從康熙十七年起扣免於民毋容纖毫捏冒此係
永遠甦困培我
國家萬年之樂利非比一時之蠲停將見渙汗一頒
民之鼓舞雷動於三吳豈不可坐致休祥也哉伏
乞

皇上鑒允施
行

是年十二月奉

恩詔兵革寢息人民乂安免康熙十三四五六七年地丁

民欠錢糧

二十一年揚州高泰等處水災蠲停正賦銀四萬
有奇興化積水淹田正賦漕糧全免其揚州歸併
高郵等衛屯田錢糧自康熙十八年為始各伍屯
田被旱災除漕項外

蠲免四分

二十三年九月

恩詔江南浙江江西湖廣省分自用兵以來供應繁苦宜

加恩恤康熙二十四年所運漕糧著免三分之一又自康熙十三年起至二十二年拖欠漕項錢糧著自二十三年起每年帶徵一年以免小民一時並徵之累

二十四年三月以邳州二十三年水災

蠲免地丁銀二十四百餘兩

四月

蠲免沐陽縣地丁銀三百六十餘兩

六月巡撫湯斌奉二十年

恩詔題免蘇松等七府州屬地丁及併衛帶徵項下十三
年至十七年未完銀七十六萬八千六百一十四
兩有奇米二萬六千四百一石有奇

九月以邳州本年水災

蠲免地丁銀三千四百七十一兩八錢有奇 又沛縣
秋災

蠲免地丁銀十分之三

十一月初四日

諭戶部恩旨

恭紀首卷

江南宿遷興化邳州高郵鹽城等處

水災

蠲免康熙二十四年下半年二十五年上半年地丁各

項錢糧

二十五年閏四月二十二日

諭大學士恩旨

恭紀首卷

鳳陽徐州等處亢旱發鳳陽倉銀

米賑濟 又沛縣本年秋季災

蠲免地丁銀兩仍賑濟饑民

二十六年十一月二十六日

諭戶部恩旨

恭紀首卷

江蘇所屬各郡縣二十七年應徵地

丁各項錢糧俱奉

蠲免二十六年未完錢糧亦悉奉豁免 又泰州興化

本年水災

蠲免地丁銀四千六十五兩有奇米七百八十二石有

奇

二十七年三月奉

旨將十七年以前未完漕項銀米麥俱著蠲免

五月

蠲免寶應縣涸出田地二十六年未完錢糧及本年地

丁錢糧

八月

蠲免山陽縣二十五年缺丁銀兩

十月奉

恩旨安徽所屬各郡縣二十八年應徵地丁各項錢糧俱

著蠲免

二十八年正月奉

旨江南除正項錢糧已與直隸各省節次蠲免外再將全省積年民欠一應地丁錢糧屯糧蘆課米麥豆雜稅聚與豁除

七月二十二日

諭戶部恩旨

恭紀首卷

蠲免邳州被水田畝應納地丁漕項

歷年逋欠盡奉豁除

二十九年

蠲免江都縣本年秋災銀一千三百七十五兩有奇米
一百八石有奇又歸併高郵衛銀七十五兩有奇
三十年九月

蠲免興化縣本年秋災銀三千八百一兩有奇

十二月初四日

諭戶部恩旨

恭紀首卷

各省歲運漕米向來未經議免除河

南省明歲漕糧已頒諭免徵外湖廣江西浙江江蘇安

徽山東應輸漕米著自康熙三十一年始以次各蠲免
一年

又賑濟宿遷睢寧二縣飢民

三十一年以興化本年秋災

蠲免地丁銀四千六十七兩有奇 又賑濟鹽城縣饑
民

三十二年二月以沐陽縣上年秋災

蠲免地丁銀四千九百七十四兩有奇

九月十六日

諭內閣恩旨

恭紀首卷

江蘇安徽等處夏旱免本年漕糧三

分之一俟至應蠲年分補還

十一月以沐陽安東高郵寶應四州縣本年秋災
蠲免地丁銀一萬七千四百八十三兩有奇米八百三
十八石一斗有奇

十二月以興化縣本年秋災

蠲免地丁銀二千九十四兩有奇又版荒田地銀一千

一百九十九兩有奇

三十三年

蠲免山陽縣捐田地丁銀三十二兩六錢有奇米麥豆

四十九石有奇

先是總河靳輔奏山陽縣訓導移駐清江浦仍於山陽縣捐田二十

頃為修葺碑亭學宮河神廟之用請將所捐之田免其賦役至是巡撫宋學復請豁除

又

蠲免江都縣本年被災地丁銀兩

三十四年

蠲免高郵興化寶應三州縣上年被災錢糧 又賑濟

長洲吳江常熟崑山青浦等縣飢民

三十五年賑濟淮揚徐所屬二十州縣飢民

三十六年正月二十二日

諭大學士恩旨

恭紀首卷

揚淮徐等處被災錢糧盡行蠲免

六月

蠲免江都縣牧馬草場三十三年以前銀米

十二月以鹽城山陽高郵泰州興化寶應六州縣

本年被水

蠲免地丁銀八萬六千五百四十七兩有奇米麥六萬
九千九百八十七石五斗 又賑濟淮揚徐所屬
二十州縣及淮安大河徐州三衛飢民

三十七年六月以海州大河衛水災

蠲免地丁銀三千三百二十六兩有奇 又鹽城縣水
災

蠲免地丁銀六千八百一十三兩有奇

十一月二十五日

諭戶部恩旨

恭紀首卷

海州山陽安東鹽城高郵泰州江都

興化寶應壽州泗州亳州鳳陽臨淮懷遠五河虹
縣蒙城盱眙靈璧等州縣并各衛所康熙三十八
年一切地丁銀米等項及漕糧盡奉

蠲免 又高郵泰州江都興化寶應五州縣

蠲免本年被災地丁銀十一萬九千九百一十兩有奇
米麥七萬四百九十四石有奇 又賑濟鹽城等
九州縣飢民

三十八年三月初七日

諭戶部恩旨

恭紀首卷

著將漕糧截留十萬石於高郵寶應

興化泰州鹽城山陽江都受災七州縣各留一萬石悉
較時價減值發糶餘米三萬石著於邳州留八千石宿
遷桃源清河安東四縣各留五千五百石亦較時價減
糶

三月十三日

諭戶部恩旨

恭紀首卷

江蘇安徽所屬舊欠帶徵錢糧除康

熙三十三年恩詔內已經赦免外其三十四五六年一應地丁米麥豆雜稅俱著豁免

三月二十二日

諭戶部恩旨

恭紀首卷

淮安府屬海州山陽安東鹽城揚州

府屬高郵泰州江都興化寶應九州縣並淮安大河二衛康熙三十七年未完地丁漕項等銀一十九萬有奇米麥一十一萬石有奇全奉

蠲免

四月十六日

諭戶部恩旨

恭紀首卷

以鳳陽府屬去歲水災

蠲免康熙三十七年該府屬壽州等十一州縣并泗州
一衛未完地丁漕項銀米

九月

蠲免高郵州牧馬草場銀九十餘兩 又高郵泰州江
都興化四州縣本年被災復

蠲免雜辦銀七百一十餘兩

十一月初五日

諭戶部恩旨

恭紀首卷

海州山陽安東鹽城大河衛高郵泰

州江都興化寶應被災各州縣衛康熙三十九年

地丁銀米等項及漕糧漕項銀兩盡奉

蠲免 又賑濟淮揚所屬饑民 又

蠲免潁州被災田畝銀四百九十七兩有奇

四十年奉

旨將江蘇巡撫所屬州縣等處除漕項外康熙四十一年

地丁錢糧盡行蠲免

四十一年奉

旨安徽巡撫所屬府州縣衛等處康熙四十二年分地丁錢糧除漕項外通行蠲免

四十二年四月奉

旨徐州睢寧縣三十七八九三年未完地丁倉項銀二萬四百二十二兩零及邳州四十年未完錢糧俱著免徵
八月奉

旨賑濟邳州等處又令應免錢糧另議具奏

四十三年四月

蠲免江安二屬黃快缺丁銀六千四百四十餘兩

七月

蠲免淮揚二屬輕齋等銀一萬八千二百六十餘兩贈
米六千一百九十餘石

四十四年蠲停鳳陽府屬及睢寧沐陽二縣被災
地方應徵地丁漕項銀米 又賑濟江寧揚州淮

安三府所屬飢民

四十五年正月以上元縣上年水災

蠲免地丁銀一千七百三十餘兩米豆二百九十餘石
仍賑濟飢民

十月二十五日

諭戶部恩旨

恭紀首卷

江蘇安徽等省自康熙四十三年以

前未完地丁銀米盡奉

蠲免其舊欠已完在官而見年錢糧未完足者亦准扣

抵 又淮安大河徐州三衛本年水災

蠲免銀一千二百四十餘兩仍賑濟飢民 又海州邳
州清河桃源宿遷睢寧沐陽安東蕭礪等州縣本
年水災

蠲免地丁銀三萬八千九百二十餘兩仍賑濟飢民
十一月以徐州本年水災

蠲免地丁銀六千一百八十餘兩仍賑濟飢民

四十六年十月奉

旨四十三年以前江寧巡撫所屬各府州縣未完民欠漕
項銀兩六十八萬七千兩有奇米麥三十一萬一千八
百石有奇著該撫一一察明悉與蠲免仍將本年所
徵漕糧每州縣或留八九萬石或留十萬石酌量賑給
十一月初二日

諭戶部恩旨

恭紀首卷

康熙四十七年江南通省人丁額徵

銀兩悉奉

蠲免其本年被災安徽巡撫屬七州縣三衛江寧巡撫

屬二十五州縣三衛應徵地畝銀共二百九十七萬五千二百餘兩糧三十九萬二千餘石一槩免徵所有舊欠帶徵銀米並暫停追取

四十七年四月奉

旨以江西湖廣漕糧三十餘萬石至蘇松減價平糴

十月十六日

諭戶部恩旨

恭紀首卷

康熙四十八年除漕糧外江南通省

地丁銀四百七十五萬四百兩有奇全奉

蠲免所有舊欠銀米暫停追取

十二月以上元江寧溧陽溧水高淳江浦崇明上海八縣太倉鎮海金山三衛本年秋災

蠲免地丁銀五萬四千六百五十餘兩米豆三千四百八十餘石漕米緩徵一半仍賑濟饑民

四十八年四月以潛山宿松宣城銅陵石埭當塗蕪湖繁昌望江貴池青陽南陵無為和州含山建平涇縣巢縣共十八州縣并宣州衛上年秋災

蠲免地丁銀七萬五百二十一兩有奇米豆一萬二千一百七十八石有奇 又動支庫餉賑給淮揚徐所屬州縣并徐州衛被災饑民

十月二十五日

諭戶部恩旨

恭紀首卷

以淮安揚州徐州三屬水災獨重除

本年錢糧全免又將康熙四十九年淮揚徐三屬邳州等十九州縣三衛額徵地丁銀五十九萬三千八百餘兩一槩豁免

十一月

蠲免亳州被災田銀一百八十餘兩

十二月奉

旨動常平倉米穀賑濟飢民

四十九年六月奉

旨將江南舊欠四十四四十五四十六四十七年未完地
丁等項錢糧於五十年起分四年帶徵四十七年漕項
錢糧於五十三年帶徵

五十年以六安合肥舒城霍山壽州霍邱六州縣
并廬州鳳陽右二衛秋災

蠲免地丁銀二萬八千五百四十三兩有奇米麥九十
二石有奇仍賑濟飢民

五十一年五月奉

旨安徽等五府屬三十年至四十三年未完地丁等銀三
萬八千九百餘兩准其免徵

十月奉

旨江寧安徽各撫屬除漕項外五十二年應徵地畝人丁銀俱著察明全免其歷年舊欠亦并免徵 又

恩詔內開將各省應徵房地租稅銀兩著察明額數於康熙五十三年豁免一年其歷年逋欠一並察明免其追補

是年

蠲免淮徐所屬十二州縣并淮安大河二衛水災地丁銀兩仍賑濟飢民

五十二年

蠲免江蘇所屬地丁銀有差

五十三年七月

蠲免歙縣城濠地租蕪湖江夫河蓬門攤商稅滁州衛
月城隙地房租共銀二千五百六十餘兩及歙縣
四十七年五十年五十一年民欠銀四百五十餘
兩 又江常淮揚等屬二十州縣并儀徵衛本年
旱災

蠲免地丁銀兩有差仍賑濟飢民

十一月

蠲免桐城等二十三州縣并廬州等六衛被災銀九萬九千一百五十餘兩米麥豆四千四百二十餘石仍賑濟飢民

五十四年以蘇松淮揚等屬三十三州縣衛本年水災

蠲免地丁銀米有差仍賑濟飢民

五十五年九月以宣城南陵涇縣本年水災

蠲免地丁銀九千六十八兩有奇米豆七百二石有奇

十一月

蠲免江常鎮淮揚等府屬旱災州縣衛共銀十六萬四千八十餘兩米麥豆共一萬八千二百五十餘石其被災軍民在現年漕糧內截留米二十五萬石賑濟不敷仍於收補漕米及續收例米穀石并現存各事案米穀內湊賑又

蠲免安徽寧池太廬鳳等府屬旱災州縣衛共銀一十二萬七千三百八十餘兩米麥豆共六千五百二十餘石其各屬災黎照例動支常平倉糧散賑仍將安慶府存剩漕糧并省倉見在捐還漕米湊賑五十六年十一月奉

旨豁免安徽江蘇等處帶徵地丁屯衛銀兩其帶徵漕項銀米麥豆免徵各半 又

蠲免淮揚等府被災州縣地丁銀有差仍散賑飢民

五十七年

蠲免沛縣上年被災地丁并湖地租銀三千二百餘兩
又欽縣等處被災錢糧照分數

蠲免

五十八年十一月

蠲免山陽高寶三州縣本年秋災地丁銀一萬六千二
百九十餘兩米七百九十餘石仍賑濟飢民 又
合肥等縣被災錢糧照例

蠲免

十二月

蠲免清河桃源沐陽三縣淮安大河二衛地丁銀一萬
二千四百餘兩仍賑濟飢民 又賑濟安東鹽城
泰州江都興化等縣飢民

五十九年二月

蠲免大河衛河攤租地銀五十二兩有奇

五月以江都興化安東鹽城及合肥等縣上年被

災

蠲免銀米有差 又賑濟高寶江興泰五州縣飢民

六十年四月

蠲免高寶上年秋災地丁銀一萬三千七百餘兩米八百四十餘石

八月以沛縣本年被災

蠲免地丁銀二千一百餘兩 又賑濟江蘇松常鎮揚所屬州縣飢民 又安徽新安等州縣衛被災錢

糧按分數

蠲免 又江寧上元等州縣衛及安徽歙縣等處被災

錢糧按分數

蠲免

六十一年以歉休等十一州縣衛去年被災

蠲免地丁銀四萬五千二百餘兩米豆二千九百餘石

又

蠲免江常鎮淮揚等一十六州縣本年旱災地丁銀兩

有差緩徵一半漕糧賑濟飢民海州全緩

世宗憲皇帝雍正元年二月奉

恩詔各省民欠錢糧年久應免者查奏酌免

四月奉

旨蠲免合肥舒城等十八州縣衛被災地丁銀四萬八千
四百六十餘兩米麥豆四千三百餘石又動積穀
賑濟飢民六月奉

旨恩蠲江蘇各屬康熙十一年至五十年未完地丁等銀

七百二十九萬六千二百九十兩零米豆四十三萬七千二百二十石零又蘆課等銀一十九萬二千七百三十三兩零

十二月賑濟江蘇常鎮淮揚六府屬二十四州縣被水飢民

二年二月

蠲免靖江丹陽上年被災地丁銀一萬九千三百六十餘兩米六百二十餘石

六月

特恩蠲免江南全省康熙四十六年至五十年舊欠地丁
銀六十三萬三百餘兩米麥二十六萬八千六百
七十餘石

十二月

蠲免蘇松常鎮淮揚所屬十五州縣本年被災地丁銀
七萬三千八百五十餘兩米豆六千五百四十餘
石仍賑濟饑民緩征漕米又江南沿海地方海

潮泛溢民被災發倉賑濟 又通泰淮三分司所屬海潮淹漫奉

旨發庫銀三萬兩委員分賑蠲未完折價銀四萬餘兩

三年三月十九日奉

旨准將蘇州府正額銀蠲免三十萬兩松江府正額銀蠲免十五萬兩著為定例

上諭

恭紀首卷

怡親王疏

蘇松田稅宋時每畝輸賦一斗元時水田不過五升明太祖因蘇民

為張士誠固守不降盡籍諸豪族及富民田以為官田按私租薄為稅額每畝四五斗七八斗至一

石以上蘇州一府秋糧至二百七十四萬六千餘石時民田仍照元時之額歲輸僅十五萬石餘皆徵之官田松江官田畧少秋糧亦至一百三十餘萬石計蘇州田地山蕩灘溇等共九萬九千九百餘頃松江四萬八百餘頃以宋時均稅一斗合算蘇松正額祇應一百四十萬餘石乃加增二百六十四萬餘石幾二倍於原額矣至宣德時以蘇松官田租額太重遞減二三分蘇松二府減七十餘萬石巡撫周忱定均耗之法以官田稅額攤派民田每畝稅額少者一斗九升多者至三斗六七升不等其後以二府額糧太多地產米石不敷始於平米內改徵條折此地丁等項折銀所由始也嘉靖時增江浙稅賦百二十萬蘇松又在加增之內嗣後東南被倭又有額外提編之加萬歷時又每畝加增九釐後於九釐外再加三釐自宣德遞減之後嘉靖萬歷時後遞增浮額三十餘萬於是二

府之民終明之世困於重賦我朝平定海內悉除前明苛政各省賦稅凡嘉靖以後

加增者槩行蠲免

洪恩浩蕩萬民樂業惟蘇松二府明代屢增之額因未

經詳悉奏請至今仍舊伏查蘇州府條折兵餉徭里人丁匠班隨漕經費等項歲徵銀一百六十二

萬六千九百兩零松江府八十三萬三千五百三十兩零蘇州府正耗漕白等項歲徵米九十七萬

五千二百三十石零松江府四十一萬八千五百八十石零其歲徵額米歷年以來民間輸納完者

居多且

天庾正供兵食攸關無庸請減惟額徵地丁銀項每

至次年奏銷之期蘇州一府民欠必至三十餘萬兩松江一府十五六萬兩積累數年動至三四百

萬幸遇

聖朝時施

曠典

免宿逋至數百萬而數年之內糧戶日受追比

之苦地方官亦因承追而罷去者多矣此雖有額

皇上心

徵之名而無徵收之實也我周部屋洞照萬里雍正二年江西南昌府屬明初

恩旨酌

加增浮糧已蒙減寬免今蘇松浮糧事同一體但從來加浮之額

皇上欽

定為數太多或應酌減幾分仰候

五月以丹徒縣濱江埧田奉

旨蠲免額徵銀一千六百二十餘兩米麥一千九百七十

餘石自康熙五十一年為始

十二月以太平泗州盱眙三州縣本年秋災

蠲免地丁銀三千一百餘兩米麥豆一百二十餘石仍
賑濟飢民緩徵舊欠又以蘇松常鎮揚太通七
府州被災

蠲免二年蘆課銀五千二百一十餘兩又賑濟山陽
清河寶應興化宿遷睢寧六縣被水飢民

四年奉

旨著動支庫銀賑給泗州被災民戶

八月又

蠲免泗州田畝銀四百四十餘兩

九月

蠲免望江無為銅陵黟縣宣城蕪湖繁昌貴池等被災
州縣銀米有差

十二月以南陵等縣本年被災

蠲免地丁銀四千八百五十餘兩米豆三百二十餘石
又以宣城縣本年被災

蠲免地丁銀八千二百三十餘兩米豆六百八十餘石

又賑濟江蘇松常鎮淮揚太邳徐所屬三十九州縣被災飢民 又宣城等十州縣將社倉常平倉省倉捐還漕米并安慶截留漕米內動用設厰煮賑所有應徵新舊錢糧暫停徵催

五年八月以福泉陽湖二縣上年被災

蠲免地丁銀一萬一百四十餘兩米二百七十餘石

又上元丹徒二縣秋災

蠲免四年蘆課銀五百五十餘兩

九月十二日

上諭

恭紀首卷

著江南總督動用庫銀二萬兩於上下兩江

被水之處散賑

六年以江都泰興二縣被災

蠲免五年分蘆課銀二千二百餘兩

六月

蠲免東流無為臨淮懷遠四州縣水災田畝銀四千七

百八十餘兩米豆七十餘石

九月以懷寧桐城等十四州縣并鳳陽衛上年秋
災

蠲免地丁銀一萬二千七百餘兩米麥豆一千一百三
十餘石

七年閏七月以靖江縣上年被災

蠲免地丁銀九千八百八十餘兩米三千一百七十餘
石

八月奉

旨安徽等屬著免雍正八年地丁銀四十萬兩

八年六月奉

旨蠲免通州稅課局缺額商稅自康熙三十五年至雍正

三年共銀一萬七千六百五十餘兩

七月奉

旨上江宣涇等十七州縣又貴池建平繁昌三縣水災著

動支帑銀賑濟其有應免錢糧盡奉蠲免又邳

州宿遷桃源等處大水動支藩庫銀兩賑濟本年

錢糧悉行

蠲免有已經完納者准作明年額徵之數

八月初九日

上諭

卷紀首

江南被水州縣漕糧按成災分數蠲免

十月以壽州合肥縣及廬州衛上年被災

蠲免地丁銀一萬一千八百六十八兩五錢有奇麥六

十八石二斗有奇

十二月奉

旨著直隸江南等省督撫動支常平倉米穀核實賑給外
來就食之災民并動存公銀兩賞為路費資送回籍
又賑濟淮揚海邳徐所屬十八州縣飢民

九年三月以建平縣上年被災

蠲免地丁銀六百一十二兩四錢有奇米豆二十六石
九斗有奇

四月

蠲免山陽清河等八州縣并徐州衛挖廢田地自康熙

五十一年至雍正五年地丁銀米又

蠲免大河衛桃源縣司挖廢田并栽柳廢田銀兩

六月以宣城旌德銅陵懷遠四縣上年被災

蠲免地丁銀九千九百五十餘兩米豆一千一百七十

餘石

八月

蠲免宣城旌德銅陵懷遠漕糧五千九百餘石又免

寧國無為壽州鳳陽臨淮等十州縣并鳳陽長淮

二衛銀一萬九千五百九十餘兩米麥豆八千七百五十餘石

十年三月奉

恩旨以官侵吏蝕包攬錢糧分為十年帶徵實在民欠更緩作二十年帶徵自壬子年為始即以帶徵完納之分數為次年蠲免之分數

五月

蠲免吳江震澤二縣坍田自康熙五十一年至雍正三

年地丁銀一萬四千一百五十二兩有奇米麥豆
一萬四千三百一十六石有奇

八月

蠲免寧國旌德滁州全椒來安等被災州縣銀九百餘
兩米豆三百四十餘石 又以徐州豐沛蕭碭五
州縣并徐州衛上年秋災

蠲免地丁銀四千一百七十餘兩 又奉

旨江南濱海人民被水著督撫等督率有司誠心撫綏毋

使失所

十二月准總漕性桂疏截留漕米四十萬石以備

平糴

性桂疏畧

漕米關係

天庾例應乾圖潔淨今據蘇州府屬之常熟昭文太倉州屬之鎮洋松江府屬之上海華亭常州府屬之江陰靖江揚州府屬之泰州江都興化通州屬之泰興如皋淮安府屬之鹽城共十三州縣詳報田稻自被水以後其中勘不成災之田畝或稱稻經鹽潮灌浸不能乾潔飽足或稱疊遭風雨虬虫米粒細小青白不一等情又據蘇州府屬之長洲元和吳縣吳江震澤崑山新陽松江府屬之金山常州府屬之無錫金匱江寧府屬之江浦淮安府屬之阜寧桃源并海州共十四州縣各詳稱田地

雖不成災但當吐花結秀之候秋雨過多米色不
無減損雖碎細可以簸揚而青粒殊難揀淨各等
因俱經臣嚴行批飭經徵各員務須揀擇乾淨好
米上納去後惟是秋雨過多蚰虫間生以致米色
不能純潔則雖紅白兼收私梗並納恐不能米色
全純也以臣愚見凡經先後

題

報被災之州縣其中有勘不成災之處應納漕糧
者及原未成災但報米色不純之州縣應全納漕
糧者除飭令選擇乾淨堪以久貯之米仍照常兌
運通倉交納外若有實係不能純潔之米令各州
縣報明數目酌留四十萬石仍貯本處倉廩於明
春確訪時價酌減平糶查照被災之輕重分別平
糶之多寡雖江省積穀亦多但穀能經久多儲益
善且地方廣闊人民繁庶需米甚多目今淮安米
價日貴食米每石已賣至一兩三四錢不等民食
未免艱難訪聞各府米價亦貴來春青黃不接之

時恐米價又長臣再四思維若將各屬不純之米截留本處平糶將來米價不至騰貴其平糶事竣仍令各州縣將米價解赴上下兩江糧道轉解戶部一轉移間米無霉爛之虞民受平價之益其於明春生計似有裨益臣與總河臣嵇曾筠就近籌商亦慮明春米價增長似應截留平糶且漕河兩標兵丁計有九千餘名力作河兵葦蕩營兵一萬餘名其標兵俱於春夏二季支領折米每石折銀七錢五分而河兵則緊領折色自行買食兵民雜處需米浩繁若於四十萬石之內截留十萬石在淮平糶則兵民均荷

皇恩普遍矣

十一年正月奉

旨江南常熟等二十二州縣并華亭等六縣沿海被水地

方已定議大賑三次著再加賑四十日其有從前遺漏貧民并先可餬口而目下力不能支者亦著查明補賑再被水之鹽場竈戶亦照貧民例加賑一月又以九年

徐州并所屬四縣徐州衛秋災

蠲免地丁銀四千一百七十餘兩

八月二十三日以雍正十年舒宿虹靈六霍天長

等州縣并宿州一衛秋災

蠲免地丁錢糧三千一百三十餘兩

十二月奉

上諭江蘇雨水稍多收成歉薄著將乙卯年起運漕米截留二十萬石於被水州縣平糶新舊條銀及本年南漕等米緩至來年麥熟開徵仍令動支倉穀分別賑濟

又奉

諭將本年漕米一半折徵

每石折徵銀一兩

十二年二月十九日以雍正十一年宿靈虹泗四

州縣秋災

蠲免地丁錢糧四千六百一十餘兩其應徵新舊錢糧
一併停徵仍動存公銀兩採買雜糧賑濟飢民

十二月以宣南涇太鳳臨懷滁全來和十一州縣
並懷滁全來和五州縣歸衛以及鳳陽衛秋禾被
水照災分數

蠲免地丁錢糧共九千三百三十一兩有奇米豆一千
八十五石有奇仍動倉穀賑濟飢民五月

十三年九月初三日

皇上登極恩詔內開各省民欠錢糧係十年以上者該部查明具奏候旨豁免

九月十三日奉

上諭

恭紀
首卷

將雍正十二年以前各省錢糧實欠在民者

一併寬免從前江南積欠錢糧內曾有官侵吏蝕二項亦著照民欠例寬免

十月初七日奉

上諭

恭紀
首卷

據果親王奏江南等省漕項蘆課及學租雜

稅等銀著全省豁免

十一月十一日奉

上諭

恭紀
首卷

江南太平府蕪湖縣有雜派江夫河蓬錢糧

歲徵銀二千三百零四兩即行寬免永著為例

十一月十六日奉

旨豁免雍正十二年以前錢糧耗羨銀兩

附

總理事務

王大臣議署副都御史陳世倌疏

查錢糧火耗提
解歸公以為各

官養廉及地方公事之用凡遇蠲免錢糧之年若
將耗羨一併蠲除則民邀

浩蕩之恩而官受拮据之苦必自轉滋弊端所以雍正八年欽奉

諭

旨凡遇特恩蠲免錢糧其耗羨仍舊輸納若因水旱蠲免者不得徵收耗羨將此永著為例欽此

查耗羨隨正項交納為勢猶便正項既蠲而獨徵耗羨其弊最多蓋以耗羨原屬零星小項為數無

幾一經徵比則往返守候飲食盤費等項必至加倍因而胥役遂得包攬苛索書吏遂得重戕稱收

且不肖官員因非正項錢糧上司不為查察遂得於耗羨之外復徵耗羨以飽私索種種流弊皆勢

所必至者况現在特恩蠲免之項尤與各官養廉無涉查本年九月內奉

旨寬免雍正十二年以前民欠錢糧其在雍正十二年

以前各官應支養廉早已支給若現年之養廉自有現年之耗羨可徵原不藉此舊欠應用應如陳世倌所奏請

勅下該部通行各省將現在特恩蠲免十二年以前之項其耗羨一併豁免嚴飭地

方官不得私行徵收謹奏奉

御批所議甚是依議速行

十二月初八日奉

特恩豁免雍正十二年以前帶徵緩徵漕項本折銀米

十二月初十日奉

旨豁免直隸江蘇安徽浙江河南山東等省雍正十二年以前未完額徵河銀并江南省未完額徵黃快

丁銀錢及江南山東二省各州縣衛所未完額徵

造船等項銀兩

附

工部奏疏

雍正十三年九月二十三日奉

上諭將雍正十二年以前各省民欠錢糧及江南省官侵吏蝕之項一併寬免欽此臣等查臣部有直隸江

蘇安徽浙江河南山東等省每年額徵河銀共二十八萬三千七百八十餘兩各省按年徵解江南總河為河工之用又江南省每年額徵黃快丁銀共一萬三千七百餘兩係江蘇安徽二省各州縣於田畝內攤徵為黃快等船差修工食之用又江南山東二省各州縣衛所每年額徵造船料銀七千九百三十餘兩為修造漕船之用均係編徵條款臣部於欽奉

上諭之後隨即咨詢戶部據戶部覆稱前項銀兩完欠各數咨報工部查核應聽工部自行辦理臣等恭

查前項銀兩俱係民欠之項應否一例寬免之處
理合奏

聞奉
旨依議

十二月十九日以潛山縣泗州秋禾被水

蠲免地丁錢糧二百六兩七錢有奇米麥一十九石

八斗有奇仍動倉穀賑濟飢民五月

乾隆元年四月初四日奉

上諭江南阜寧鹽城等處州縣上年夏秋之間雨水稀少田禾歉收曾降諭旨著該督撫委員查勘被災情

形已將阜鹽興海四州縣乏食窮民等加恩賑恤其額徵錢糧各按灾傷分數照例扣蠲至應徵漕糧等項復令緩至今冬帶徵朕思此等地方被灾之後既有本年應納之糧又有上年帶徵之項未免新舊交催追呼兩迫輸納維艱著將阜鹽興海四州縣雍正十三年未完緩征漕糧一例豁免以舒民力再聞阜寧鹽城二縣漕米昨年未降諭旨之先已有按數完納者此等急公良民尤當加以恩澤著逐一確查將

已完之數准抵今年應完之項俾得一體霑恩該督撫飭令該州縣實力奉行毋使奸胥地棍中飽滋弊

欽此



江南通志卷八十四